

嗟轍曩法天子受三歸依獲免惡道經

宋西天中印度三藏傳教大師 法天奉

詔譯

佛說較量壽命經

宋西天中印度三藏明教大師 天息災奉

詔譯



清刻龍藏佛說法變相圖

二經同卷

則一

嗟轍曩法天子受三歸依獲免惡道經
佛說較量壽命經

嗟轍曩法天子受三歸依獲免惡道經

宋西天中印度三藏傳教大師 法天奉 詔譯

如是我聞一時世尊在舍衛國祇樹林給孤獨園與大苾芻眾俱是時有一天子名嗟轍曩法天報將盡惟餘七日而乃先現五衰之相身無威德垢穢旋生頭上華鬘咸悉萎翠諸身分中臭氣而出兩腋之下悉皆汗流時嗟轍曩法由是之故不樂本座宛轉於地悲哀啼泣而作是言苦哉苦哉曼那吉你池苦哉苦哉洗浴之池苦哉苦哉寶車與羸惡歡

喜雜林等如是諸園苑不復更遊戲苦哉苦哉跛里耶多羅迦華永不採摘雜寶柔輭之地永不履踐苦哉苦哉天衆妓女端嚴殊妙常所侍衛今相捨離是時有餘天子見斯事已往帝釋所白言天主彼嗟轍曩法五衰現前命餘七日宛轉在地悲哀啼泣作如是言苦哉苦哉曼那吉你洗浴等池苦哉苦哉寶車及羸惡歡喜雜林等如是諸園苑不復更遊戲苦哉苦哉跛里耶多羅迦華永不採摘雜寶柔輭之地永不履踐苦哉苦哉天衆妓女端嚴殊妙常所侍衛今相捨離天主我見是已心甚傷切故來告白爾時帝釋天主心悲愍故往嗟轍曩所而告之言天子云何而汝賢者宛轉於地悲哀啼泣說諸苦事傷動見者時嗟轍曩法忽聞是語從地而起整服

肅容合掌而立白帝釋言天主我今壽命惟餘七日命終之後墮閻浮提王舍大城以宿業故而受猪身天主旣受彼身於多年中食噉糞穢我觀此苦是故愁憂爾時帝釋天主聞是語已心甚悲愍告嗟轍曩法天子言賢者汝可誠心歸命三寶應作是言歸依佛兩足尊歸依法離欲尊歸依僧衆中尊時彼嗟轍曩法天子以死怖故畏傍生故白帝釋言憍尸迦我今歸依佛兩足尊歸依法離欲尊歸依僧衆中尊時彼天子受三歸已心不間斷以至命終諸天之法下智有見不能觀上時帝釋天主觀彼天子生於何處爲生南閻浮提王舍大城受猪身耶爲不受猪身盡彼天眼觀之不見又觀傍生鬼界亦復不見又觀娑訶世界人間亦復不見乃至四大王衆

天及忉利天盡彼觀察都不能見爾時帝釋
天主既不見已心生疑慮於是帝釋往祇樹
林詣世尊所頂禮佛足退坐一面白佛言世
尊彼嗟羂曩法天子五衰現前命在七日宛
轉在地悲哀啼泣說諸苦事傷動見者我時
到彼見此事已而問之言云何賢者悲啼懊
惱憔悴若此時嗟羂曩法而告我言我今壽
命惟餘七日命終之後墮閻浮提生王舍城
而受猪身於多年中以諸糞穢而爲食噉我
聞此說心極悲慙乃告之言今汝賢者欲脫
斯苦當歸命三寶則一作如是言歸依佛兩足尊
歸依法離欲尊歸依僧衆中尊時嗟羂曩法
以死怖故畏傍生故而白我言我今歸依佛
兩足尊歸依法離欲尊歸依僧衆中尊時嗟
羂曩法受三歸竟而後命終世尊我今不知

彼嗟羂曩法託生何處爾時世尊以正徧知
告帝釋言憍尸迦今嗟羂曩法天子已生覩
史多天受五欲樂爾時帝釋天主聞佛語已
歡喜踊躍心意快然諸根圓滿即於佛前說
伽陀曰

若歸依於佛 彼不墮惡道 棄捨人身已

當獲得天身

若歸依於法 彼不墮惡道 棄捨人身已

當獲得天身

若歸依於僧 彼不墮惡道 棄捨人身已

當獲得天身

復說伽陀曰

誠心歸命佛 彼人當所得 若晝若夜中

佛心常憶念

誠心歸命法 彼人當所得 若晝若夜中

法力常加持

誠心歸命僧 彼人當所得 若晝若夜中

僧威常覆護

爾時帝釋天主說伽陀已世尊印言如是如是

歸命佛法僧 定不墮惡道 棄捨人身已

當獲得天身

爾時世尊說伽陀曰

若佛陀二字 得到於舌上 同彼歸命等

不虛過一生

若達磨二字 得到於舌上 同彼歸命等

不虛過一生

若僧伽二字 得到於舌上 同彼歸命等

不虛過一生

又說偈言

佛法僧名若不知 彼人最下故不獲
輪迴宛轉而久處 如迦尸華住虛空
佛說是經已諸苾芻衆天帝釋等一切大衆
歡喜信受作禮而退
嗟哉曩法天子受三歸依獲免惡道經